

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 099267 23 K
Visoko, 05.02.2024. godine

U IME FEDERACIJE BOSNE I HERCEGOVINE

Općinski sud u Visokom, sudija Igbala Mustafić, uz sudjelovanje zapisničara Elme Muratović, u krivičnom predmetu protiv optuženog H.D.a sina H. iz V., zbog produženog krivičnog djela nasilje u porodici iz čl.222 st.2 u vezi sa st.1 i u vezi sa čl.55 KZ F BiH, rješavajući po optužnici Kantonalnog tužilaštva-tužiteljstva Zeničko-Dobojskog kantona broj T 04 0 KT 0055123 23 od 18.10.2023.godine, nakon zaključenog glavnog javnog pretresa, održanog dana 31.01.2024. godine u prisustvu Kantonalnog tužioca Sikira Ešefa i optuženog H.D.a, na pretresu za objavljivanje presude, dana 05.02.2024. godine, donio je i javno objavio

P R E S U D U

OPTUŽENI: H.D., sin H. i majke L. rođene H., rođen ... u B., nastanjen u mjestu ..., V., pismen, sa završenom srednjom školom, po zanimanju autolimar, nezaposlen, lošeg imovnog stanja, po narodnosti ..., državljanin Bosne i Hercegovine, JMB: ..., neosuđivan, vodi se drugi krivični postupak zbog krivičnog djela nasilje u porodici.

K R I V I J E

što je:

1.dana 22.09.2023. godine, oko 21,30 sati, u V., u porodičnoj kući koja se nalazi u mjestu ..., u kojoj stanuje sa majkom H.L., svjestan svoga djela i postupaka, što je i htio, počinio je psihičko i fizičko nasilje nad svojom majkom H.L. na način da joj je psovao i upućivao prijetnje riječima: „Jebem ti mater, silovat ću te, ubit ću te, nećeš postojat na ovom dunjaluku, zapalit ću te kompletnu“, a nakon upućenih ovih prijetnji i psovki i nakon što je ušla u kuću i otišla na sprat gdje se zaključala u sobu za njom je došao uz stepenice i ponovo vikao, te upotrebom fizičke snage, odnosno udarcem nogom razvalio bravu na vratima njene sobe, pa nakon što je tako nasilno otvorio sobu ponovo joj uputio prijetnje riječima: „Ubit ću te, neće ti ni policija pomoći, dok dođu zapalit ću i tebe i sve“, a potom je svoju majku L. nogom udario u predjelu stomaka sa desne strane i nanio joj povrede u vidu hematoma konstatovane u Domu zdravlja Visoko i KB Zenica, nakon čega se udaljio iz kuće, na koji način je ugrozio mir, tjelesnu cjelovitost i psihičko zdravlje svoje majke H.L.,

dakle, nasiljem i drskim ponašanjem ugrozio mir, tjelesnu cjelovitost i psihičko zdravlje člana svoje porodice,

2. dana 09.06.2023. godine, oko 13,35 sati, u V., u porodičnoj kući koja se nalazi u mjestu ..., u kojoj stanuje sa majkom H.L., svjestan svoga djela i postupaka,

što je i htio, počinio je psihičko i fizičko nasilje nad svojom majkom H.L. na način da je otvorio prozor kuće i dok je L. kosila travu u dvorištu, uputio joj je razne pogrdne riječi, govoreći joj da je kurva, a zatim i ozbiljne prijetnje da će je zapaliti i silovati, da će zapaliti kuću, da joj neće dati da uđe u kuću, a potom izašao iz kuće napolje, te je uzeo plastične saksije sa cvijećem koje su se nalazile u dvorištu ispred kuće, sve ih razbacao i polomio, gađajući sa istim saksijama i L., koju nije uspio pogoditi jer je pobjegla sa lica mjesta, a zatim mobitelom nazvala policiju, koje psihičko i fizičko nasilje je učinio iz razloga što mu na njegov zahtjev L. nije dala novac koji je tražio, te je ovakvim ponašanjem ugrozio mir, tjelesnu cjelovitost i psihičko zdravlje svoje majke H.L..

dakle, da bi nasiljem i drskim ponašanjem ugrozio mir, tjelesnu cjelovitost i psihičko zdravlje člana svoje porodice,

čime je počinio krivično djelo produženo krivično djelo Nasilje u porodici iz člana 222 stav 2 u vezi sa st.1 i u vezi sa čl.55 KZ FBiH

pa sud optuženom na osnovu istog zakonskog propisa: te na osnovu članova: 42., 43. i 49. Krivičnog zakona Federacije Bosne i Hercegovine,

OSUĐUJE

NA KAZNU ZATVORA U TRAJANJU OD 6 (šest) mjeseci

U kaznu zatvora osuđenom će biti uračunato vrijeme provedeno u pritvoru u od 3 mjeseca /od 26.09.2023.godine do 26.12.2023.godine u 09.10.sati/.

Na osnovu člana 202. stav 4. u vezi sa članom 199. stav 2. tačka g) ZKP FBiH, troškovi krivičnog postupka padaju na teret budžetskih sredstava.

Obrazloženje

Kantonalno tužilaštvo Zeničko-dobojskog kantona Zenica je optužnicom broj T04 0 KTD 0055123 23 od 18.10.2023. godine, optužilo H.D.a da je radnjama opisanim u izreci presude počinio produženo krivično djelo nasilje u porodici iz člana 222. stav 2. u vezi sa stavom 1. a sve u vezi člana 55. KZ FBiH. Na ročištu za izjašnjenje o krivici optuženi se izjasnio da nije kriv, nakon čega je predmet dostavljen sudiji radi zakazivanja glavnog pretresa.

U uvodnom izlaganju, nakon čitanja optužnice i uvodnih riječi kantonalnog tužioca optuženi je izjavili da mijenja raniju izjavu i u cjelosti priznaje izvršenje krivičnog djela koje mu se stavlja na teret te su u cjelosti tačni navodi iz optužnice.

obzirom da je optuženi u cjelosti priznao izvršenje krivičnog djela sud je u nastavku glavnog pretresa, a u smislu člana 280. ZKP FBiH, izvršio uvid u materijalne dokaze tužilaštva i to:

- zapisnici o saslušanju svjedoka oštećene H.L. PS Visoko broj: 08-02-09/1-536/23 od 09.06.2023. godine, broj 08-02-09/1-894/23 od 22.09.2023. godine i broj 08-02-09/1-898/23 od 26.09.2023. godine,

- zapisnik o saslušanju svjedoka H.A. PS Visoko broj: 08-02-09/1-953/23 od 10.10.2023. godine,
- zapisnik o saslušanju svjedoka G.E. PS Visoko broj: 08-02-09/1-952/23 od 10.10.2023. godine,
- zapisnik o saslušanju svjedoka V.H. PS Visoko. broj: 08-02-09/1-977/23 od 16.10.2023. godine,
- Nalaz i mišljenje vještačenja tjelesnih povreda oštećene H.L. po vještaku Mujić dr. Hasibu od 09.10.2023. godine,
- Zapisnik o uviđaju PS Visoko broj: 08-02-09/1-147/23 od 09.06.2023. godine,
- Zapisnik o uviđaju PS Visoko broj: 08-02-09/1-234/23 od 22.09.2023. godine,
- Rješenje Općinskog suda u Visokom broj: 41 0 Pr 098036 23 Pr od 10.06.2023. godine kojim je osumnjičenom H.D. u izrečena zaštitna mjera udaljenje iz porodične kuće koja se nalazi u mjestu Muhašinovići, grad Visoko i zabrana vraćanja u predmetnu kuću, zabranu približavanja žrtvi nasilja- majci H.L. na bilo kojem području na udaljenosti manjoj od 50 metara i zaštitnu mjeru zabranu uznemiravanja i uhođenja u trajanju od 9 mjeseci,
- medicinska dokumentacija na ime oštećene H.L. i to: Specijalistički nalaz JU Dom zdravlja Visoko od 09.06.2023. godine, Specijalistički nalaz JU Dom zdravlja Visoko od 22.09.2023. godine, Uputnica u bolnicu, Specijalistički nalaz Odjel urgentne medicine KB Zenica od 23.09.2023. godine, Specijalistički nalaz Odjel za hirurške bolesti KB Zenica od 23.09.2023. godine, nalaz i mišljenje Odjela radiološke dijagnostike- ultrazvuk od 23.09.2023. godine- Prijemna ambulanta i rezultati medicinsko biohemijskih i imunoloških pretraga od 23.09.2023. godine, Specijalistički nalaz Odjel urgentne medicine-Odjela za urgentnu medicine od 23.09.2023. godine,
- Prijava o ozljedi KB Zenica od 23.09.2023. godine,
- Socijalna anamneza JU Centar za socijalni rad Visoko broj: 06-04-11-2628/23 od 09.10.2023. godine,
- Izvještaj JU Centra za socijalni rad Visoko broj: 06-04-11-27/23-2 od 28.07.2023. godine,
- Informacija JU Centra za socijalni rad Visoko broj: 06-04-11-460/23 od 25.09.2023. godine,
- Informacija JU Centra za socijalni rad Visoko broj: 06-04-11-460/23-2 od 25.09.2023. godine,
- Naredba za vještačenje tjelesnih povreda Kantonalno tužilaštvo broj: T04 0 KT 0055123 23 od 03.10.2023. godine,
- Izvod iz kaznene evidencije za osumnjičenog H.D.a PU Bijeljina od 06.06.2023. godine
- Troškovnik koji se odnosi na sudsko-medicinsko vještačenje u iznosu od 94,47 KM.

Pored navedenog na glavnom pretresu saslušana je H.L. koja je navela da ne postavlja imovinsko pravni zahtjev te napomenula od kako se vratio iz pritvora da je više nije napadao ni bihuzurio i nek ostane tako i nek joj više ne prilazi, da joj ne traži pare .Neka on živi u prizemlju i neka živi svoj život.

Optuženi se pred sudom na glavnom pretresu izvinuo svojoj majci ,navodeći da ga je sramota sa svim ovim što je do sada učinio , te obećao njoj i sudu da se ovo više neće ponavljati.

Nakon što je izvršen uvid u naprijed navedene dokaze sud je ustanovio da je priznanje optuženog na glavnom pretresu potpuno i u skladu sa dokazima, kao i da je optuženi svjestan posljedica priznanja krivice, te da je do priznanja došlo dobrovoljno svjesno i sa razumijevanjem, pa je izjava prihvaćena. Da je optuženi počinio krivično djelo koje mu se optužnicom stavlja na teret potvrđuju dokazi u koje je sud izvršio uvid tokom glavnog pretresa.

Uzimajući u obzir navode optuženog, kao i dokaze izvedene na glavnom pretresu, van svake razumne sumnje utvrđeno je da je optuženi počinio krivično djelo na način kako mu se to stavlja na teret.

U toku postupka nije utvrđeno postojanje okolnosti na strani optuženog koje bi isključivale ili bitno umanjivale njegovu uračunljivost, te je sud zaključio da je bio svjestan svog djela i htio njegovo izvršenje, čime je postupao sa direktnim umišljajem, pa ga je sud oglasio krivim.

U završnoj riječi kantonalni tužilac je naveo da je optuženi na gl.pretresu priznao krivicu izrazio kajanje za svoje ponašanje , izvinuo se majci, a njegovo priznanje je u skladu sa dokazima kao subjektivnim tako i materijalnim, potkrijepljeno i u cjelosti potvrđeno istim dokazima. Vezano za izricanje kazne predlaže da sud cijeni izvod iz kaznene evidencije za optuženog koje je u spisu suda uloženo kao dokaz.

Optuženi je u završnom izlaganju naveo da se opet izvinjava i da se neće više sa njegove strane ponoviti. Samota ga je stvano i žao mu je što se to desilo. Da sud prilikom odlučivnaja o troškovima postupka uzme u razmatranje da nije trenutno

Prilikom odmjeravanja krivičnopravne sankcije, sud je imao u vidu osnovne kriterijume, a to su granice kazne propisane za predmetno krivično djelo, svrha kažnjavanja, te okolnosti koje karakterišu počinjeno krivično djelo i učinioca (olakšavajuće i otežavajuće okolnosti), i to: stepen krivice, pobude iz kojih je djelo učinjeno, jačina ugrožavanja ili povrede zaštićenog dobra, okolnosti pod kojima je djelo učinjeno, raniji život učinioca, njegove lične prilike i njegovo držanje nakon učinjenog krivičnog djela, kao i druge okolnosti koje se odnose na učinioca (iz člana 49. KZ F BiH).

Prilikom izbora i odmjeravanja krivičnopravne sankcije sud je uzeo u obzir ličnost učinioca, njegov raniji život, njegovo ponašanje poslije učinjenog krivičnog djela i stepen krivice.

Pri tome, sud je od otežavajućih okolnosti cijenio da su okrivljeno od strane ovog suda izricane zaštitne mjere ,kao i to da je počinio produženo krivično djelo u odnosu na istu oštećenu-svoju majku koja ima preko cca 63.godine

Odnosno , kao otežavajuću okolnost sud je cijenio činjenicu da optuženi preduzima radnje u trajanju od 3 i po mjeseca što ukazuje na njegovu upornost prilikom izvršenja krivičnog djela.

Nasuprot tome, od olakšavajućih okolnosti sud je cijenio priznanje optuženog u ranoj fazi krivičnog postupka priznao izvršenje krivičnog djela čime je doprinio brzom i efikasnom završetku krivičnog postupka.

Imajući u vidu sve navedeno, kao i zakonom propisani posebni minimum i maksimum kazne zapriječene za konkretno krivično djelo, sud je zaključio da je kazna zatvora u trajanju od šest mjeseci adekvatna i da će se istom postići ciljevi specijalne i generalne prevencije.

cijeni da će ovako odmjerena kazna zatvora uticati na optuženog da u budućnosti ne čini krivična djela i da će pozitivno djelovati u cilju njenog prevaspitanja.

Sud dalje nalazi da će ova kazna preventivno djelovati i na druge da poštuju pravni sistem i ne čine krivična djela, čime će biti ostvareni ciljevi specijalne i generalne prevencije, te na taj način ostvariti svrha kažnjavanja.

Po ocjeni suda izricanje kazne zatvora trajanju navedenom je nužno a ujedno će uticati na njega da se suzdržava od izvršenja novih djela.

Na osnovu člana 57. stav 1. KZ FBiH sud je donio odluku kojom se optuženom u izrečenu kaznu zatvora uračunava vrijeme provedeno u pritvoru počev od 26.09.2023.godine do 26.12.2023.godine u 09.10.sati/.

Primjenom člana 202. stav 4. u vezi sa članom 199. stav 2. tačka g) ZKP FBiH, sud je odlučio troškovi krivičnog postupka padaju na teret budžetskih sredstava.

Zapisničar
Elma Muratović

Sudija
Igbala Mustafić

POUKA O PRAVU NA ŽALBU:

Protiv ove presude može se izjaviti žalba Kantonalnom sudu u Zenici u roku od 15 (petnaest) dana od dana prijema prijepisa presude.

Oštećena može pobijati presudu samo zbog odluke o troškovima postupka i odluke o imovinskopravnom zahtjevu.